



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

V. De Synodo Ephesina prima, & Nestorii damnatione.

**urn:nbn:de:hbz:466:1-15324**

*De Synodo Ephesina prima, & Nestorii damnatione.*

## C A P V T V.

**E**t post hæc scripsit aliam sacram ad vniuersos episcopos, vt Ephesum conuenirent, & conferrent de Nestorii libris, & Cyrilli iudicium. Scripsit imperator sacram & beato Augustino Hipponeensi episcopo per Ebagnum magistrianum, vt ipsi Concilio præstaret sui præsentiam. Qui Ebagnius veniens Carthaginem magnam, audiuit a Capreolo ipsius vrbis antistite, beatum Augustinum ex hoc mundo migrasse ad Dominum. Acceptisque ab eo ad imperatorem literis loquentibus de obitu beati Augustini, Constantinopolim, vnde venerat, rediit. Porro Capreolus archiepiscopus propter impetus Vandalorum Africanas regiones obsidentium, vniuersale non valens congregare Concilium, Vessulam diaconum suum misit Ephesum ad Concilium legatum. Cælestinus vero papa Romanus scripsit Nestorio increpationis epistolam cum exhortatione & vituperatione, quia errare non debuerit, ad cuius ordinationem gauisus est. Et est eius principium: Aliquantis diebus vitæ nostræ: tribuens ei decem dierum spatum, hoc est, a prima die acceptioonis ipsius epistolæ, usque in ultimam diem: vt si minime Nestorius emendaret expositiones suas, & reuocaret ad ecclesiam, qui propter Christum, qui est caput eius, ab eo fuerant expulsi, cognosceret se ab eius collegio & omnium sanctorum episcoporum consortio esse separatum: insinuans ei, dedisse vicem suam in Concilio Cyrillo per epistolam suam, cuius principium est: Tristitia nostræ, sanctitatis vestræ literæ: qua Cyrrillum admonuit, vt si per illos decem dies doctrinam suam minime Nestorius emendaret, disponeret eum a communi corpore remouendum, & prouidendum illi ecclesiæ. eadem de re pariter scripsit Ioanni Antiocheno, Rufo Theffalonicensi, Iuuenali Hierosolymitano, & Flauiano Philippensi, archiepiscopis. Scripsit & ad clerum Constantinopolitanum, admonens eos contra doctrinam Nestorii fortiter stare, eiusque persecutio[n]es patienter ferre, quæ fructus afferunt coronarum: scientes, ab eo excommunicatos vel deiectos, in apostolicæ sedis permanere communione. Continuo au-

tem post paschalem festiuitatem Nestorius cum maxima multitudine venit Ephesum, & inuenit plurimos episcopos collectos. Porro Cyrillus Alexandrinus modicum retardatus, circa Pentecosten occurrit, & Iuuenalis Hierosolymorum. Sed Ioanne Antiocheno remorante, quæstionem mouebant præsentes episcopi de beata Maria Dei genitrice: Cyrillus autem deflorationes quasdam librorum Nestorii faciebat, eum perturbare volens. Erat enim ( vt dicitur ) eius inimicus. Et cum plurimi Deum confiterentur Iesum Christum; Ego ( inquit Nestorius ) qui fuit duorum vel trium mensium, nunquam confiteor Deum: qua gratia ter mundus sum a sanguine vestro, & amodo ad vos non venio. Et his dictis, cum reliquis congregabatur episcopis, qui eius sententiam sequabantur. \* Præsens ergo episcopi in duos ordines sunt diuisi. Porro Cyrillus cum suis habens vices sedis apostolicæ, Concilio euocato ducentorum episcoporum, Nestorium vocauerunt. At ille venire noluit, differens usque in præsentiam Ioannis Antiocheni. Scripsérat enim ipse Ioannes de itinere Cyrillo, positus in sexta mansione, festinationem suam & itineris labores, animallium ruinas, & episcoporum qui secum erant, necessitates insinuans. Qui vero circa Cyrrillum erant episcopi, homilias Nestorii, quas de hac quæstione protulerat, saepius relegentes, priusquam orientis Concilium & aliquarum prouinciarum episcopi ipsi Concilio coniuncti, ad Synodum occurrerent, iudicantes Nestorium tamquam blasphemantem Dei Filium, damnauerunt. Hoc facto circa Nestorium, Ioannes & episcopi qui cum eo erant, alterum Concilium apud se facientes, damnauerunt Cyrrillum, & cum eo Memnonem Ephesiorum episcopum.

*De discordia Cyrilli Alexandrini & Ioannis Antiocheni.*

C A P V T VI.

**P**ost biduum vero venit Ioannes Antiochenus: & cognoscens ita acta, quæ supra diximus, & post hæc quæ gesta fuerant in damnatione Nestorii, & illa 12. capitula Cyrilli in ipso Concilio suscepta & confirmata, indignabatur valde contra Cyrrillum, tamquam seditiosus auctorem, quod feruentissime Nestorii fecisset dam-

Ecclesiast.  
histor. vbi  
supra, 6. cap.

K k k iij